



Broj: 01-02-1871/21  
Ilidža, 14.04.2021.god.

**OPĆINSKI NAČELNIK**



**PREDMET:** Davanje saglasnosti Općinskog načelnika na materijal za sjednicu Općinskog vijeća

U prilogu Vam dostavljamo materijal kako bi na isti dali svoju saglasnost i to:

Prijedlog Odluke o posebnim uslovima za imenovanje predsjednika i četiri člana Drugostepene stručne komisije Općinskog vijeća Ilidža i Prijedlog Odluke o objavljivanju javnog oglasa za imenovanje predsjednika i četiri člana Drugostepene stručne komisije Općinskog vijeća Ilidža



**DOSTAVLJENO:**

1. Naslovu
2. a/a







Broj: 01-02-  
Ilidža,

*Stanković Tanja*  
MATERIJAL  
ZA 3. REDOVNU  
SIEDNICU  
**Prijedlog**

**ODLUKA**  
**O POSEBNIM USLOVIMA ZA IMENOVANJE PREDSEDNIKA I ČETIRI ČLANA**  
**DRUGOSTEPENE STRUČNE KOMISIJE OPĆINSKOG VIJEĆA ILIDŽA**

Nosilac pripreme materijala:  
Stručna služba za poslove  
Općinskog vijeća

Predlagač:  
Komisija za izbor, imenovanja i  
pitanja ravnopravnosti spolova

Ilidža, april 2021.godine





Broj: 01-02-  
Ilidža,

Na osnovu člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03, 34/03 i 65/13) i člana 28. Statuta Općine Ilidža -Prečišćeni tekst ( „Službene novine Kantona Sarajevo“, broj 33/10, 18/16), na prijedlog Komisije za izbor, imenovanja i pitanja ravnopravnosti spolova, Općinsko vijeće Ilidža na 3. redovnoj sjednici, održanoj dana \_\_\_\_\_ donijelo je

**ODLUKU**  
**O POSEBNIM USLOVIMA ZA IMENOVANJE PREDSJEDNIKA I ČETIRI ČLANA**  
**DRUGOSTEPENE STRUČNE KOMISIJE OPĆINSKOG VIJEĆA ILIDŽA**

**Član 1.**  
**(Predmet)**

Ovom Odlukom Općinsko vijeće Ilidža propisuje posebne uslove koje trebaju da ispunjavaju kandidati za imenovanje predsjednika i članova Drugostepene stručne komisije Općinskog vijeća Ilidža.

**Član 2.**  
**(Posebni uslovi)**

Posebni uslovi koje trebaju ispunjavati kandidati za imenovanje predsjednika i četiri člana Drugostepene stručne komisije Općinskog vijeća Ilidža su:

- a) VSS – VII stepen stručne spreme, diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja
- b) položen stručni upravni ispit
- c) najmanje dvije (2) godine staža na pravnim poslovima koji zahtjevaju primjenu Zakona o upravnom postupku u Federaciji Bosne i Hercegovine
- d) da nema status državnog službenika, namještenika u Jedinstvenom općinskom organu uprave Općine Ilidža

**Član 3.**  
**(Objavljivanje Odluke )**

Ova odluka objaviće se u „Službenim novinama Kantona Sarajevo“.

PREDSJEDAJUĆI

Tarik Stambolić, magistar poslovnog prava

DOSTAVLJENO:

1. Općinski načelnik
2. Za objavu „SNKS“
3. Evidencija
4. a/a



## Obrazloženje

Pravni osnov za donošenje ove odluke je član 7. stav (2) Zakona o ministarskim, vladinim i drugim imenovanjima Federacije Bosne i Hercegovine kojim je propisano da organ vlasti koji vrši imenovanje u skladu sa navedenim Zakonom, pored općih uvjeta koji su propisani ovim zakonom, ima obavezu da propiše posebne uslove u smislu stepena obrazovanja, znanja i iskustva što je neophodno obzirom na prirodu posla koji organ koji se imenuje treba obavljati.

Član 28. Statuta Općine Ilidža propisuje da Općinsko vijeće donosi odluke, druge propise i opće akte.

Odlukom o osnivanju stalnih radnih tijela Općinskog vijeća Ilidža - Prečišćeni tekst („Službene novine Kantona Sarajevo“ broj 1/20 ) propisano je između ostalog da je Drugostepena stručna komisija stalno radno tijelo Općinskog vijeća , koju imenuje Općinsko vijeće na prijedlog Komisije za izbor, imenovanja i pitanja ravnopravnosti spolova, **putem javnog konkursa iz reda diplomiranih pravnika sa položenim stručnim ispitom i dugogodišnjim iskustvom u radu, a u skladu sa Zakonom o ministarskim, vladinim i drugim imenovanjima Federacije BiH.** Imajući u vidu činjenicu da Općinsko vijeće Ilidža u mandatnom periodu 2020. – 2024.godine treba imenovati Drugostepenu stručnu komisiju kao stalno radno tijelo Općinskog vijeća Ilidža, potrebno je da Vijeće donese Odluku o posebnim uslovima za imenovanje predsjednika i četiri člana Drugostepene stručne komisije kako bi se objavio javni poziv za imenovanje ovog stalnog radnog tijela Općinskog vijeća Ilidža, a zbog isteka mandata trenutnih članova.

Općinsko vijeće je ovu komisiju uspostavilo u mandatu 2008.-2012.godine .

Općinsko vijeće je u mandatnom periodu 2008 – 2012.godine donijelo Odluku o posebnim uslovima za imenovanje predsjednika i četiri člana Drugostepene stručne komisije Općinskog vijeća Ilidža („Službene novine Kantona Sarajevo“,br.13/09) kojom su bili propisani sljedeći posebni uslovi:

- a) VSS – VII stepen stručne spremlje - Pravni fakultet
- b) Položen stručni upravni ispit
- c) najmanje (3) tri godine radnog staža na pravnim poslovima koji zahtijevaju primjenu Zakona o upravnom postupku u Federaciji Bosne i Hercegovine
- d) da nema status državnog službenika, namještenika i savjetnika u Jedinственном općinskom organu uprave Općine Ilidža

U mandatnom periodu 2012 – 2016. godine, Odlukom o posebnim uslovima za imenovanje predsjednika i četiri člana Drugostepene stručne komisije Općinskog vijeća Ilidža („Službene novine Kantona Sarajevo“,br.6/13) promjenjeni su posebni uslovi i glase:

- a) VSS – Pravni fakultet
- b) Položen stručni upravni ispit
- c) najmanje (1) jedna godina radnog staža na pravnim poslovima koji zahtijevaju primjenu Zakona o upravnom postupku u Federaciji Bosne i Hercegovine
- d) da nema status državnog službenika, namještenika i savjetnika u Jedinственном općinskom organu uprave općine Ilidža

U mandatnom periodu 2016 - 2020.godine, Općinsko vijeće je donijelo posebne uslove za imenovanje predsjednika i četiri člana Drugostepene stručne komisije koji su bili identični iz mandata 2012.-2016.godine.

Komisija za izbor, imenovanja i pitanja ravnopravnosti poslova kao predlagач navedene odluke je na sjednici održanoj dana 13.04.2021.godine utvrdila konačan tekst Prijedloga ove odluke.





Broj: 01-  
Ilidža,

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj 12/03, 34/03 i 65/13) i člana 28. Statuta općine Ilidža – prečišćeni tekst („Službene novine Kantona Sarajevo“ broj 33/10,18/16) i člana 4. stav (10) tačka c) Odluke o osnivanju stalnih radnih tijela Općinskog vijeća Ilidža - Prečišćeni tekst („Službene novine Kantona Sarajevo“, broj 1/20), na prijedlog Komisije za izbor, imenovanja i pitanja ravnopravnosti spolova, Općinsko vijeće Ilidža na 3. redovnoj sjednici održanoj dana \_\_\_\_\_ godine, donijelo je

## O D L U K U

### O OBJAVLJIVANJU JAVNOG OGLASA ZA IMENOVANJE PREDSJEDNIKA I ČETIRI ČLANA DRUGOSTEPENE STRUČNE KOMISIJE OPĆINSKOG VIJEĆA ILIDŽA

#### I Predmet javnog oglasa

Raspisuje se javni oglas za imenovanje predsjednika i četiri člana Drugostepene stručne komisije Općinskog vijeća Ilidža

#### II Djelokrug rada Drugostepene stručne komisije Općinskog vijeća Ilidža

Drugostepena stručna komisija je drugostepeni organ i nadležna je da rješava po žalbama stranaka kada je u prvostepenom postupku rješavano na osnovu Statuta ili propisa Općinskog vijeća, a u okviru isključivih prava i dužnosti Općine, kao i u slučajevima kada je to posebno propisano kantonalnim odnosno federalnim zakonom. Komisija je dužna Općinskom vijeću najmanje jedanput godišnje da podnese izvještaj o radu sa ocjenom stanja i prijedlogom mjera u kojem će ukazati na uočene probleme u primjeni općinskih propisa.

Predsjednik Komisije:

- a) pokreće inicijativu za razmatranje pojedinih pitanja iz djelokruga rada Komisije;
- b) saziva sjednice;
- c) predlaže dnevni red sjednice;
- d) predsjedava sjednicom;
- e) stara se o izvršavanju zaključaka Komisije;
- f) saraduje sa predsjednikom, zamjenikom i sekretarom Vijeća vezano za rad i aktivnosti Komisije;
- g) potpisuje akte koje donosi Komisija;
- h) obavlja i druge poslove iz djelokruga rada Komisije.

Predsjednika Komisije u slučaju njegove odsutnosti zamjenjuje član Komisije kojeg imenuju članovi Komisije na samoj sjednici.



### III Sjednice Komisije, naknada za rad i mandat

Sjednice komisije se održavaju u redovno radno vrijeme koje je utvrđeno važećom Odlukom o radnom vremenu u Jedinostvenom općinskom organu uprave.

Naknada za rad u komisiji plaćat će se u skladu sa Odlukom o visini paušalnih iznosa naknada za rad općinskim vijećnicima, članovima komisija Općinskog vijeća, predsjednicima i članovima savjeta mjesnih zajednica i finansiranju parlamentarnih stranaka Općinskog vijeća Ilidža - Drugi prečišćeni tekst – („Službene novine Kantona Sarajevo“, broj 47/13).

Imenovanje Drugostepene stručne komisije vrši se na period od 4 godine, sa mogućnošću ponovnog izbora

### IV Uslovi imenovanja

Kandidati za Drugostepenu stručnu komisiju moraju ispunjavati sljedeće opće i posebne uslove:

#### Opći uslovi :

- da je državljanin Bosne i Hercegovine (dokaz: uvjerenje o državljanstvu)
- da je stariji od 18 godina
- da nije otpušten iz državne službe kao rezultat disciplinske mjere na bilo kojem nivou BiH (bilo na nivou države ili entiteta) u periodu od 3 godine prije objavljivanja upražnjene pozicije (dokaz: izjava potpisana i ovjerena od strane nadležnog općinskog organa)
- da se na kandidata ne odnosi član IX 1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa)

#### Posebni uslovi:

- da ima VSS – VII stepen stručne spreme, diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja (dokaz: univerzitetska diploma)
- da ima položeni stručni upravni ispit (dokaz: potvrda ili uvjerenje)
- da ima najmanje dvije (2) godine staža na pravnim poslovima koji zahtijevaju primjenu Zakona o upravnom postupku u Federaciji Bosne i Hercegovine (dokaz: potvrda ili uvjerenje)
- da nema status državnog službenika, namještenika u Jedinostvenom općinskom organu uprave općine Ilidža

### V Obrazac prijave

Kandidati su dužni uz propisani obrascu prijave, koji je sastavni dio ove Odluke, priložiti original dokumente ili ovjerene kopije dokumenata, koji su dokaz o ispunjavanju općih i posebnih uslova traženih ovim oglasom.

Obrazac prijave koji je sastavni dio ove odluke kandidati mogu podići u zgradi Općine Ilidža - Centar za pružanje usluga građanima Općine Ilidža, ulica Butmirska cesta broj 12, kao i na WEB stranici Općine [www.opcinailidza.ba](http://www.opcinailidza.ba)).

### VI Objavljivanje i rok za podnošenje prijava

U skladu sa Zakonom o ministarskim, vladinim i drugim imenovanjima Federacije BiH ovaj oglas objavit će se u „Službenim novinama Federacije Bosne i Hercegovine“, dnevnom listu „Oslobođenje“ u formi obavještenje da je tekst navedene odluke objavljen na web stranici Općine Ilidža.

Rok za podnošenje prijava je 15 (petnaest) dana od dana posljednjeg javnog objavljivanja. Nepotpune i neblagovremene prijave neće se uzeti u razmatranje.



## VII Dostava prijava

Prijavu na javni konkurs sa potrebnim dokumentima dostaviti neposredno putem Centra za pružanje usluga građanima Općine Ilidža ili poštom na adresu

### **Općina Ilidža – Općinsko vijeće – Komisija za izbor, imenovanja i pitanja ravnopravnosti spolova**

**Ulica Butmirska cesta broj 12, ILIDŽA**

*uz naznaku*

**„Prijava na javni konkurs za imenovanje predsjednika i četiri člana Drugostepene stručne komisije Općinskog vijeća Ilidža – NE OTVARATI “.**

## VIII Nadležnost Komisije za izbor, imenovanja i pitanja ravnopravnosti spolova

Zadužuje se Komisija Općinskog vijeća za izbor, imenovanja i pitanja ravnopravnosti spolova da u skladu sa Zakonom o ministarskim, vladinim i drugim imenovanjima Federacije Bosne i Hercegovine provede navedenim Zakonom propisanu proceduru po ovom javnom konkursu i dostavi Vijeću prijedlog za imenovanje predsjednika i četiri člana Drugostepene stručne komisije Općinskog vijeća.

## IX Ostale napomene

Sa kandidatima koji ispunjavaju uslove ovog javnog oglasa Komisija za izbor, imenovanja i pitanja ravnopravnosti spolova će obaviti intervju i na intervju kandidati su dužni donijeti na uvid ličnu kartu.

Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci se popunjavaju neposredno prije intervjua.

Kandidat koji budu imenovan za predsjednika ili člana Drugostepene stručne komisije po ovom javnom konkursu dužan je pribaviti Uvjerenje nadležnog suda da se protiv njega ne vodi krivični postupak, kao i Uvjerenje o nekažnjavanju i isto dostaviti Stručnoj službi za poslove Općinskog vijeća.

Lični podaci o učesnicima ovog javnog oglasa su tajni i mogu se prikupljati i obrađivati samo u skladu sa odredbama Zakona o zaštiti ličnih podataka („Službeni glasnik BiH“ broj 49/06,76/11).

PREDSJEDAVAJUĆI

Tarik Stambolić, magistar poslovnog prava

## DOSTAVLJENO:

1. Općinski načelnik
2. Služba za opću upravu
3. Služ. za obr., kul., sport i inf.
4. Centar za pružanje usluga građanima Općine Ilidža
5. Za objavu „SNFBiH“
6. WEB stranica Općine
7. Evidencija
8. a/a







## OBRAZAC PRIJAVE

\_\_\_\_\_  
(Ime i prezime)

\_\_\_\_\_  
(Adresa – kontakt telefon)

**PREDMET:** Prijava na Javni oglas za imenovanje predsjednika i članova  
Drugostepene stručne komisije Općinskog vijeća Ilidža

Prijavljujem se na konkurs objavljen dana \_\_\_\_\_ 2021.godine u \_\_\_\_\_ za  
poziciju (zaokružiti):

1. Predsjednika Drugostepene stručne komisije
2. Člana Drugostepene stručne komisije

i o sebi dajem slijedeće podatke:

Rođen-a \_\_\_\_\_ godine u \_\_\_\_\_ Općina \_\_\_\_\_  
stepen stručne spreme – zanimanje \_\_\_\_\_  
zaposlen-a u \_\_\_\_\_ na radnom  
mjestu \_\_\_\_\_

Kraća biografija:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

\_\_\_\_\_  
**Podnosilac prijave**





## Prijedlog

### **O D L U K A** **O OBJAVLJIVANJU JAVNOG OGLAŠA ZA IMENOVANJE PREDSEDNIKA I ČETIRI** **ČLANA DRUGOSTEPENE STRUČNE KOMISIJE OPĆINSKOG VIJEĆA ILIDŽA**

Nosilac pripreme materijala:  
Stručna služba za poslove  
Općinskog vijeća

Predlagač:  
Komisija za izbor, imenovanja i  
Pitanja ravnopravnosti spolova

Ilidža, april 2021. godine



